

求是堂詩集

求是堂詩集卷五

計偕集

涇縣 胡承珙 墨莊

正月六日入都

又見征車在路歧  
春歸人是別家時  
不愁薊北花惟雪  
只恨江南柳未絲  
百計輕裝猶恐累  
三年刻楮莫嫌遲  
黃金本少裘先敝  
目送飛鴻有所思

汎掃愁魔與病魔  
唾壺擊缺尚高歌  
乞靈未信憑參朮  
謀養終難住薜蘿  
生計田園知漸少  
故人京雒本無多  
河橋剩佈離心滿  
那更題誇駟馬過

鐵佛寺看梅

卷五

坡陀迴合處，迤邐到禪臺。古佛無人問，繁花自在開。江天清氣入，鐘磬夕陽催。小泊能留滯，攜壺儻再來。

大風登赭山望江亭

東風吹綠一江水，波面紋如酒鱗起。山根歷亂飛白茅，春寒尚勒梅花梢。連日尋春醉不醒，一路看江到山頂。豈知斷渡風忽顛，江南江北無行船。波心惡浪白於鷺，潛吼如聞老蛟怒。驚沙百尺漫空飛，天門蒼蒼隱煙霧。回看宿鳥投深林，落日離心滿鄉樹。敝裘不敵天風寒，何事拋家傍行路。雲濤東下廣陵城，明日峭帆從此去。

元夕揚州

片帆昨日下午金陵占得危樓最上層  
畫舫月明惟有笛雷  
塘星大不如燈三千殿脚知何處廿四橋頭喚欲磨惆悵  
三年重此度隋堤芳草記吾曾

商家林即事

長途幾日飽風沙行盡燕南未見花  
拚與三更燒綠蠟暫  
迴雙頰看紅霞  
么絃細撥聲聲脆  
窄袖微開故故遮  
坐到  
月明催上馬依然清夢落天涯

三十初度閨中作

安仁三十鬢毛蒼幾度騎驢入

帝鄉千里風塵新跋涉十年人事小滄桑  
養親欲覓還丹

藥

用任元  
受語

知己難憑選佛場  
莫向譙樓聽更鼓  
此聲容易

斷人腸

襴衫抖擻滿塵沙  
蓆帽籠頭自煮茶  
曲水杯觴三日後  
春城烟火五侯家  
歸心夢裏隨明月  
舊恨風前憶落花  
一著麻衣成老大  
羞將高髻向人誇

登第口占

憑將一紙寄慈闈  
預報秋風策蹇歸  
除却宮袍新賜著  
篋中都是手縫衣

白髮天涯苦倚閭  
羨他騎省賦閒居  
阿奴繞膝真堪幸  
莫厭平生下澤車

朱蘭坡編修邀寓雙槐書屋二首

一別河梁再歷春修門相見倍相親  
鶯花蕭寺懷前度壬戌

禮閣全君風月瀛洲忝後塵  
校邇圖書皆故實君與校詞林典故

集成臺閣劇清新  
連宵聽雨挑燈話却數鄉音剩幾人時

偕諸君皆已出都

新題 賜研榜蕭齋庭院陰陰覆綠苔  
閣家風編萬

卷鈔書歲月記雙槐多情漫下南州榻  
小戶虛銜北海杯

愛煞諸郎如玉雪吟聲高遞枕函來

雙槐歌和蘭坡

長安六月如熱湯火宅那得生  
晨涼鹿麋野性愛豐草夢

入夏木森千章槎枿兩本誰手種亭亭華蓋空中翔蛇蟠  
蟻穴愈堅綴兔目鼠耳紛低昂赤日行天燒不入碧陰滿  
地流無方主人壯歲富文藻一編終日容相竿攤飯無妨  
設瓦枕浮瓜恰好依銀牀熟知人海居不易爲我下榻開  
偏廂入門一笑褰袂綠繞樹三匝心脾涼分箋欲效嘉樹

譽

賜研合作彤弓藏

嘉慶九年  
賜諸臣石硯

駕幸翰林院分  
硯君因以賜研榜其

齋

君不見古藤書屋萬柳堂名流題詠今能詳地以人傳

况草木何用主客生較量

原唱有樹應爲  
主吾爲客句

秋風生枝一轉

盼吾欲策蹇歸故鄉柳條澹映薊門日楓葉微明淮浦霜  
槐不能言預惜別但見簌簌花飄黃明年重作欵門客看

爾腰圍三尺強

送家蓮浦孝廉南歸

大廈無棲燕子飛平生蛩駘失因依  
三春花柳時忙過千里家山客獨歸  
白雪郢中歌曲好青袍燕市酒痕稀  
莫愁前路吟懷惡帽影鞭絲送落暉

朱立亭

鵠

秀才索贈

君居鄉里不得意忽然思踏長安街  
層冰峨峨雪如掌襍被竟渡江河淮  
出門便作十年計得酒且開千里懷  
誰云桂玉居不易頗喜張角時無乖  
君家翰林夙投契

謂蘭坡

邀

君十笏開書齋羣書滿前課讀麗焚香掃地成幽佳相逢



捉臂問無恙依然口角工詆諧談深不覺淚漬曉自傷利  
器將沉埋東方未獲一囊粟北郭已破雙麻鞋酒酣祇愛  
狎屠販雨立詎肯求優俳每緣磊塊塞胸臆遂令放誕忘  
形骸贈君一語爲君解人生萬事天安排太學齏鹽美似  
蜜比隣絲竹喧如蛙馬骨已朽尚高價羊頭縱好非吾儕  
君能摩厲待秋賦定脫白袷紆青綬不爾便落百寮底一  
命濟物寶論階君以供事翰林院議叙得流外官君不見古來英雄出寒  
餓春羹怒茁由凍莢謂予不信作謫語請君試看庭前槐

爲董丈補庭

朝敍

題枯樹圖冊子

入林何必密入山何必深無事此靜坐悠然生道心泉歸

壑影闕木落山容沉天風鳴枯桑浩浩空際音我昔識先生  
首宿盤中森及今把此卷道氣尤惜惜豈謂寒無氈於  
此開幽襟昨聞游海岱忽復返故岑息心歛衆妙撫景延  
馳陰雲峰三十六一一成欽崆何當拾瑤軫言訪邱中琴  
爲朱仁齋格農部題照

平蕪淡淡柳陰陰箇裏清涼未易尋記取高粱橋畔路晚  
風斜日一蟬吟

桐帽棕鞋絕點埃朝回隨意坐莓苔西山肯共支頤看他  
日親攜鍛具來

家玉鑊孝廉歸舟有詩見憶却寄

帝里風光自可憐，閉門忙過早春天。  
那將塵土看花夢，却賦關河折柳篇。  
臨水旆招沽酒店，迴颿撾避運租船。  
東華策蹇行吟處，歧路悲君已十年。

汶衛交流第幾灣，筆牀茶竈洗塵顏。  
白鷗天外低漁舍，紅藕香中見鵲山。  
小婦風情臨曉鏡，君挈姬同行故人消息過春

關。來詩以不見邸報未知朝考名第惓惓於予新詩到後從頭數，出闌扁舟計

日還。

送劉克齋

丙明府之任江西

詔書昨下明光殿，科目毋令久淹選。  
諸公袞袞紛彈冠，百里花封各分遍。  
劉侯已是前進士，需遲又過櫻桃宴。  
相逢

惟道眉間黃風送滕王帆一片禪房花木生夏涼邀我晨  
來試瓜戰座中雜沓起謂君作吏風塵貴諳練催科不免  
煩榜笞供張何由省厨傳或云吏猾民苦頑柱後惠文須  
作健或云君家有治譜但不飲酒日升飯君獨失笑皆不  
然我用我法抑何便銘紳第一不留獄扼要堪稱三語掾  
盡道韋恒無重威孰知袁甫能劇縣我游此邦歲在戌滿  
澤哀鴻眼親見無人爲繪流民圖有備誰繙循吏傳作詩  
慷慨天應聞采風不及悲身賤君今入境一舉帷定使廬  
山識眞面渡虎從來名蹟留驅雞况是土風善草生花落  
閑訟庭畫棟珠簾成道院西江水比長官清

北闕名看大僚薦相思他日過昭亭欲畫孤雲寄團扇君原

籍廣德州每郡  
試必集宛陵

### 爲家崇垣孝廉悼亡

春明判袂惜匆匆瑁璫心情易惱公那料還家炊白夢旋  
看塵簞竟牀空

微聞金枕寄封題得得黃塵迅馬蹄比似秦嘉應少恨一  
絲殘喘手親攜

閨中無復唱刀鐸襍被西風楚客鰥寒雨連江秋夢短逢

人愁說望夫山

問君將  
往武昌

閒愁帳觸到當年

予戊午悼亡  
於今八歲

齋奠遲營媿俸錢此恨知

君終似我糟糠何事不凄然

雨後過西華門外

西山望不極片雨過遙天宮樹碧於瓦苑蟬繁若絃微風  
荷氣嫩斜日柳陰偏一帶空明處滄波在眼前

銷夏絕句

天門初日照曛曛藤架松棚處處同爭似清風來屋角槐  
陰滿地碧玲瓏

出簋香羅疊雪層玉壺風露曉來凝牕紗如霧簟如水卧  
聽隔街人賣冰

瓜漿冷似山中雪梨味消於塞上酥忍俊笑他唐學士不

勝銀箔苦膏腴

小瓶膽樣注清泉深插紅芙祕色鮮  
夢裏扁舟歸路近射陂南望水如天

墨點城西散萬鴉礮車雲起雨如麻  
磁盆滿貯檐前水新熟紅螺炭煮茶

閒花如雪覆莎廳沉水香銷午夢醒  
鳥跡蝸涎看不足摺箋還仿換鴉經

晚涼團坐樹陰橫鄉語纏綿到四更  
一顆虛堂燈似豆青蟲無數撲窗聲

攔街疑唱白銅鞮却少山公醉似泥  
坐聽鄰家絃索罷一

痕涼月掛牆西

伏雨三庚度苦遲涼風八月孰探支綠章欲乞天移閨儘

向丹楓紫蓼時

是歲閏六月

朝朝拄笏看西山  
斐几筠簾一味閒  
白露不愁餘熱在  
秋風先度紫荊關

登陶然亭

芳草日以歇白露侵人裾涼蟬促急響蟋蟀鳴前除  
駕言寫我憂清景聊相於迴塘帶叢薄曲磴緣邱墟  
蘆葦自瑟瑟黍稷方與與憑高得所憩曠望臨空虛  
秋風吹燕山千里木葉踈浮雲蕩白日鴻雁方南徂  
何因繫雙足附我懷



中書因之報歸客歲晚當脂車

道中見車轡互者有感

長安十丈塵碾盡輪蹄鐵金壺浮箭十二時惟有車聲不  
斷絕偶然狹巷相逢處安得野廬叙行路不枉一步遲則  
休車前何用列入騶有客閉帷學新婦勇夫乃欲挾輶走  
要路爭先易傾軋覆轍相尋十八九有車莫笑如雞棲君  
不見奔車之上無仲尼

索姚鴈青

元之 同年畫扇

蹇驢得得長安陌俗事終朝苦促迫尋君西過宣武坊入  
門已滿座上客酒酣落日明虛牕照眼龍蛇動素壁惟君

年少何不廉詞賦已欲追鄒嚴臨池餘事作水石古來三

絕身能兼門內都宜裏鐵限楊前半是堆霜縑偶然自道

作書勢寫得公孫舞劍器

是日齋頭所見

君家家住浮山傍白描

雅有龍眠意不然亦合鷗波亭上游銅章妙篆吳興字

君藏

有松雪印章

我是薑芽欽手人看君下筆如有神歸來發篋出

素筵煩君布置生清新好伴禰生懷裏刺一拂元規馬後

塵

### 七夕

獨客他鄉久雙星此會稀關山猶北極烏鵲自南飛機上

駕文錦囊中犢鼻衣誰憐銀漢路翹首悵睽違

雨後郊外即目

驟雨晚來晴  
西山疊翠屏  
亂蟬嘶更急  
遙鴈去如停  
雲氣依城白  
秋光落樹青  
鄉心何處盡  
目極短長亭

秋日海淀道中

秋光偏在郭  
西門石路平  
林接

御園自是紅塵飛  
不到青山惟有白雲痕

琳宮金碧樹陰連  
永日車箱倦欲眠  
夢醒一聲鐘報午  
槐花落滿寺門前

槿籬茅舍幾人家  
三尺戎葵正作花  
好雨連番禾黍熟  
晚涼棚下賣秋瓜

高粱南望隔層坡淺草平原散橐駝十里野花香似菊亂  
蟬嘶處夕陽多

偕同人游城南多氏園林

秋清風日佳郭外曠心目野色無高低平原混萬綠陂塘  
鶯鴨喧人家禾黍熟入門足幽致疎籬間樸樸高柳無薄  
陰殘荷有餘馥過橋水泠泠微鱗手可掬一徑聞棋聲鏗  
然出叢竹倘非靜者流誰爲設此局長安塵土地得此亦  
已足況我山林人野性倡麋鹿長夏困鬱蒸河魚久病腹  
一朝脫天械悠然想濠濮時聞打棗歌欲爲采菱曲攜具  
紛前陳山果雜野藪促坐膝不離深杯掌頻覆酩酊復

舜無那歸鞍促暝色浮高城斜陽掛疎木試問并州兒何  
如習池宿

仁齋農部招同諸君游白雲觀晚飯極樂寺沿五里  
長河一帶步至高粱橋歸

車聲不到處頓覺絕塵氛一徑入秋草滿林皆白雲蒼涼  
鍊丹室寂寞降壇文異代邀

宸藻

觀有

列聖御製碑額

流連感舊聞

萬里承丹詔黃冠重一言當時回殺運此地尚春溫古貌  
鬚眉活空堂衣鉢存獨憐張學士猶有未招魂

更望橋西好

寺在高梁橋稍西二里許

蕭然離市闕誰知極樂處乃在

衆香間深樹圍亭暗繁花著地斑忽看蒼翠滴牆缺露青  
山

一種伊蒲饌開堂爲客供齋厨流水碧疏圃夕陽紅著意

尋高柳

相傳寺有古柳一株今已不見

相期看晚楓

京師無楓樹惟極樂寺有數株歸途

容緩步仍在畫圖中

### 得家書志喜

聞道慈親病歸心日夜懸得書知健飯放枕始安眠祿幸  
逾三釜家如別幾年閒居容早賦吾欲老江邊

### 楊椒山先生故宅

主德方垂拱臣忠每慝肝機先爭市馬事敗悔誅鸞一謫

沙場近三遷畫省寬此恩圖速報中夜起長歎枋國誰嚴  
石深宮自醺壇青詞羞宰輔白簡奮郎官助虐滋蕃草辜  
恩忝錫鞶苞苴通海內箝網布臺端縱有羣雞峙其如一  
鶚搏龍鱗猶欲犯蚬膽豈須餐請代禽同命遺言卯僅完  
彈章千古誦枷鎖萬人看灑血都成碧鐫心未改丹專祠  
森武庫舊宅壯長安楊柳無垂思松筠耐久觀地今爲松筠禪林  
鈴山讀書處今日齒猶寒

寄同年梁進堂明府

異姓爲兄弟分途貢

帝廷

君以拔貢朝考得縣令

問年推祭酒對

策羨明經書法官奴付

君尊人文山先生工書當時有三梁之目

循聲野老聽

餘杭好山水清絕綠莎廳

建業題襟後長安判袂餘  
偶緡循吏傳忽枉故人書  
官况銷孤鶴詩情托蹇驢  
蘭臺吾職在報政莫徐徐

病中與立亭秀才坐話以予將南歸惓惓之意見於  
辭色賦此留別

秋風如故人念我輒噴噓  
故人若秋風飄蓬失根蒂  
疲驢日踏長安道一夜歸心  
愁如擣微名不收升斗窮  
多病那能顏色好客從故鄉  
來遺我一紙書上言慈親幸  
無恙下言歲入頗有餘念此  
粗能破愁寂伏枕呻吟意亦  
得腹疾猶煩叔展方頭風不  
用陳琳檄人生會短別苦長  
春明門



外皆河梁吳江楓落水成浪碣石鴻飛天雨霜一年送客  
尚爲客幾輩還鄉仍去鄉聞朱鞠萍家蓮浦兩孝廉夏初歸里今又將出游矣感君  
惜別意無那不惜挑燈爲君坐秋風一路鈴馱聲應有故  
人能念我

八月十二日領俸紀 恩

此日全勝十政官渾忘居處是長安尋常酒債無多耗潤  
色詩囊暢好看母老甫能叨祿餐

君恩特爲洗儒酸文章未算消埃報羞聽風人咏伐檀

十年生計束脩羊雀鼠公然竊太倉乞米不須臨舊帖買  
書先欲過閒坊餐錢例給優前輩舊例庶常館月給公費錢多於編檢關額

分餘出

尚方

每年各關額解庶常館銀三千兩謂之幫俸

正欲暫辭

香案去笑他陸賈艷歸裝

留別蘭坡

三五中秋月團欒忽又闕人生那得長合弁幾度相思變  
華髮漁陽八月霜信催山中叢桂應久開欲行不行爲惜  
別故人攜手黃金臺長安絕少賃春處爲愛高齋容小住  
青芻白飯無是非長日摩挲兩槐樹可憐酷暑六月中北  
牕晝卧貪涼風野性多時繫麋鹿歸心一夕生鴈鴻平生  
落落自懷抱不解浮名有何好長作拋家傍路人腹病秋  
霖劇煩惱相逢冠蓋徒紛紛就中知我無如君切勸文字

細如髮披豁意氣高於雲城南城西逐吟鞚舊游轉眼都  
成夢連朝拚飲成膏騰此去不知塵涸洞蕭蕭鈴馱出  
國門曉寒已愛羊裘溫天末青山指一髮江南黃葉堆千  
村計程九日定何處登高無復同清樽屋梁落月倘相憶  
馬首西風方斷魂

雨中經蘆溝橋

北極情猶戀南天望未窮近關多落葉隔水見征鴻山色  
寒雲外鈴聲細雨中歸心將別恨一夕滿秋風

夜雨

風雨蕭蕭裏燈光乍有無人方尋斷夢馬亦戀殘鋤村近

聞雞早泥深叱馭紆荒途多草竊愈遣客心孤

早晴良鄉道中

曉色快新晴畿南第一程雲開薊邱樹日上廣陽城朔吹  
隨車送西山到眼明驅寒思買醉旋覺敝裘輕

樓桑村

千載樓桑尚有村童童羽蓋影繽紛南陽獨得眞名士天  
下何人似使君躍馬生平經百戰斬蛇事業剩三分永安  
宮殿知何處白帝城高易夕曛

落拓何妨織履窮高皇豁達尚遺風一經授業從盧植四  
海相知有孔融詎料癡兒忘故國空留遺社似新豐紛紛

帝寇徒煩辨不及星文有至公

黃初四年星犯心大星先主殂

### 雄縣道中

一載迷塵土翩思上野航天隨平楚濶川泝析津長柳拂  
征驂綠榆遮落日黃十三橋畔路風景似江鄉

### 趙北口懷古

燕南垂趙北際中央不合大如礪公孫作健恃婦人後來  
更有兒皇帝盡棄燕雲十六州石郎心膽真墮地殿前點  
檢作天子從此窠區有圍歲如何玉斧畫疆圍坐令金甌  
失形勢白溝肯便當鴻溝欲恃三關作重閉城下之盟古  
所恥詒謀誰使階斯厲可憐睡榻不容人雪中却定江南

計只今南北爲一家三輔風烟劇繁麗時清烽候久銷沉  
烟波一片迷浦溼我來經過十三橋北斗插天光暫暫大  
雄小雄杳靄間蟹舍漁庄若鱗次馬蹄踏石聲陵競驚起  
鳬鷺拍沙翅貪看清景坐牽帷不覺霜華滿衣袂

曉過任邱縣

野田樓蔓草官道卧殘碑地古高陽里秋荒子貢陂霜濃  
鴉背濕石滑馬蹄危客鬢疎如許西風忍更吹

河間府

馬頭紛落葉疎樹曉蒼蒼海色明諸縣河流沒大荒孤烟  
升野直一雁度天長爲問當壚女新筓定可嘗

景州董子祠

下馬荒陵事久虛  
廣川烟樹靄邨墟  
同朝肯數孫宏閣  
對策還勝賈誼書  
自是驕王需善相  
非關英主遇終疎  
玉杯繁露多零落  
何處披帷認舊居

周亞夫廟

漢家宿將半凋零  
猶有條侯善用兵  
一日軍威無棘霸  
千秋相業冠韋平  
遺封尚識弓高邑  
故壘難尋細柳營  
過客空煩薦蘋藻  
祇令投箸重含情

高唐州

露重霜繁星滿天  
高城魚鑰客心懸  
空聞素練裁刀尺  
無

復清商入管絃茅舍斷燈深樹裏戍樓殘角曉風前深閨  
有夢來歧路知否寒衣未著綿

早發銅城驛始見齊魯諸山

自別西山不見山今朝才覩碧孱顏嶽雲近覆橫青蓋海  
日初升暈赤環行路祇宜披蓆帽箇中誰與結柴關故鄉  
儘有佳雲岫蠟屐歸時幾往還

舊縣山中

停驂呼舟子悠悠清川曲隔水見陂陀逶迤入深谷谷口  
多人家秋樹靄猶綠連車如入衙替戾聲相續一徑修蛇  
紆亂石巨鼇伏兩輪忽高低敲鐙困馬足及此厯塊危敢



卷五

六

誇注坡速土囊洩其口黃塵眯人目來鑣或相逢往軫得  
毋跼世路多崎嶇似此未爲蹙入險心已悸况懷茲幃屬  
何必家千金垂堂戒屢瀆二頃如可謀終焉息塵躅

西楚霸王墓

小穀城邊路停車又夕曛亂山肥子國衰草憤王墳樹暗  
鴝鵒語巖空麋鹿羣居人感忠義猶說李將軍

出山

入山復出山連岡未能平前隊颺燈影後軒聞鐸聲荒岡  
倚恠樹夜半令人驚霜風振落葉啾啾如蟲鳴夢斷不遑  
續馬疲艱復行坐久腰膝痛塵多咳唾并雁泉不可洗魚

山虛送迎安得聽踈梵杳然魂魄清

覆車行爲家鏡涵

澤淵

孝廉賦

昨暮鳥呼啄粟去明日山南覆車處誰知乃是長安歸客  
之輕車壓轅掛軸惟有書爾鳥爾鳥胡爲乎山行一夕心  
惴恐車輪激石石崩動出山十里路已平不聞石聲聞水  
聲驚馬那知舞水曲折旋不及車已覆我時搖搖殘夢中  
驚醒爲君心怔忡急呼我僕以無恙幸爾安坐無危齒十  
載京華便鞍馬執轡能升亦能下長卿已是倦遊人叔  
子當折臂者與君攜手出

帝畿此心已逐南鴻飛行路之難况如此雖無二頃胡不

歸莫嗟馬羸車復敝第五何嘗減驃騎莫憐駟馬與高車  
石頭路滑宜徐徐獼猴土牛未必止乞兒小車未爲駛夔  
𧈧相憐無日休往轍已覆來軫道請君懷抱勿作惡權買  
一壺當軟腳

南沙河

碧流寒暈上沙堤官柳微黃拂馬蹄記取來時春未半雨  
絲風剪葉初齊

滿灘鷺鴨唼晴莎兩岸人家拾蜺螺來往橋邊騎馬客不  
知秋思屬誰多

九日陰平驛

已苦勞筋瘦馬馱更堪佳節等閒過故園空負黃花酒客  
舍稀聞白紵歌晴日斷霞魚尾似晚風寒水雁聲多鳳城  
舊侶登高處應念歸人近渡河

幾處題詩拂竈煤喜無租吏漫相催他年剩記飛鴻迹此  
地剛連戲馬臺抖擻征塵頻落帽破除鄉思且銜杯何當  
一棹江南路卧看村村黃葉堆

馬蘭屯懷古

嶧陽遙望樹蒼蒼東去蘭陵入楚鄉古道秋風動禾黍亂  
山斜照散牛羊匡衡抗疏關家國荀況遺書本帝王千古  
蛾眉困謠詠可憐讒口易高張

圯橋懷古

黃星冥冥天雨石夜半化爲白鬚客祖龍一炬萬卷灰探  
手拾取陰符來跣足箕踞呼孺子繼嬰馘項皆在是請看  
博浪百鈞椎何似圯橋一隻履

世間豈有白帝子篝火狐鳴類是耳子房何必讀兵書一  
德君臣託神鬼從此運籌帷幄中免烹走狗藏良弓可知  
後日赤松子即是當年黃石公

夜行至鹽河待渡

落葉催征騎輕霜點敝袍夢隨殘燭短人比敗薪勞野濶  
雞聲亂途長馬骨高更聞川路隔爭渡壓輕舸

渡黃河

萬里黃河水真從天上來挾沙渾浴日激石怒鳴雷兩岸  
芻蕘盡千秋瓠子哀空言資奏對誰是濟川材

今科朝  
考欽命

治河  
疏題

清江浦

乍脫征塵苦秋光便可憐鳥啼淮浦樹人上廣陵船黃葉  
邛邛雨青峰處處烟飄然歸興好鷗鷺下前川

歸舟遣興

燕山秋色送征騑行盡黃塵見翠微炙手看人甯作我羞  
囊爲客不如歸得魚便欲加餐飯上馬猶宜換袂衣正是

江南好時節子薑初茁晚菰肥

丹徒舟中與董小榼桂敷同年別

霓裳三百咏清輝

丹詔同時拜紫微人海論交誰是淡仙班  
注籍也須歸蓬山夜月新詩卷澤國秋風舊釣磯  
此別不須頻悵望雲龍相逐肯相違

修門幾度訂歸期攜手何煩問路歧  
古驛青燈聯榻夢亂山黃葉滿船詩  
題襟雁陣羣分後入饌鱸鄉味美時  
見說瑯環饒勝境憑君爲我寄華芝

舟中君極言其鄉洞天之勝

固城湖中

下邑金陵近澄湖石臼通天涵秋水碧帆閃夕陽紅日暮  
撈蝦屠人家射鴨弓欲知城郭處遙指石橋東

馬頭磯絕句

千尺危磯浸碧流朝朝岸上送行舟有時風雨石飛去何  
處天涯郎馬頭

寄蘭坡編修

分手燕雲指雁程每緣舊雨望

神京初歸荒未除三徑久客寒應耐五更夢裏風塵猶瀕  
洞閒來歲月益崢嶸遙憐閉戶攤書夜欲寄梅花伴短檠  
故園風景意難任愛傍山巔與水潄鐵硯已穿空短髻斑



衣長著是初心十年長大催兒女

君第二女許聘予大兒翰慶

五嶽昭

曉遲向禽辛苦巢鳥剛息羽饑驅旋欲出深林

予將有楚游之役

求是堂詩集卷六

倦游集

涇縣

胡承珙

墨莊

踏雪尋梅歌爲汪近菴題照

羅浮仙人夢初醒飛絮璫臺澹無影被身毛羽紛襪襪碎  
踏寒瓊不知冷空山吹律春風來千樹萬樹梅花開鏤冰  
琢玉倩誰手欲與六出爭皚皚暗香扶人上巖級凍鳥羣  
驚踏枝立却看來徑没人蹤腳底芒鞋已雙濕此時凜冽  
風怒號龍蛇幽蟄磨屨逃是花是雪是人渾不辨但覺白  
雲片片圓住山之坳搓雪成團花滿掬嚼竟寒香沁心腹  
錦囊所得知幾何累煞奚奴頸全縮我愛馬相如梁園作

卷六

賦如編珠又愛杜陵老解說繁英向晴昊何如使花有色  
雪有香雪爲樓閣花爲牆林岫清光互激射乾坤元氣收  
混茫年來南北成道長馬上惟看雪如掌解鞍茅店聊醉  
眠夢中猶作梅花想即今憔悴棲江潭閉戶不識春光酣  
披圖慘淡變素節恍惚花氣迷嶄巖伊人風貌致瀟灑前  
生福慧應能兼遙知草長鶯飛日定沽斗酒攜雙柑

玉樵約爲西湖之行以事不果

明湖隨地稱吟筇有約臨期事轉慵故里生涯依馬磨長  
年行路笑龍鍾江梅雨熟庚庚實海燕晴飏午午峰日暮  
相思空悵望澄波若爲采夫容

偶行

平嘯何莽莽暑雨方潤潏陰晴無定姿白雲帶山腹茂樹  
鬱生烟流泉戛如玉孤花表殘紅良苗賦新綠遙見披簑  
人前塍立如鵠鷺鷺潛不飛意似與人熟

夜行巧坑道中

籃輿三十里一徑轉山坳重露醒蟬夢明星漏鵲巢泉聲  
諸澗落夜氣數峰交邨店人猶睡柴扉未許敲

畫眉嶺寺

百畝芳田紫似梯撥雲尋路到招提日長鐘磬清方丈山  
缺樓臺見水西白塔迢迢僧未返綠陰寂寂鳥頻啼五年

一覺蒲團夢拂蘚重看壁上題

贈魯子山銓太守

治行吳公第一流朱幡行部古諸侯才名甘露江山地魯鎮  
宦趣寒烟橘柚州出手已看馴雉羽致身終使憚魚頭  
即今暑路渾忘暘棠蔭青青遍道周

江城清曠此專居小謝高齋定不如四野雨甘呼賣劍六  
條風靜課修書時方修郡志香凝畫戟詩成後花落閑庭吏退

初却恐陽春難久駐漢廷黃霸易徵車

自別昭亭歲幾更雙溪依舊碧盈盈官稱明鏡如茲水我  
與青山共入城東閣欲邀詩客興西華重軫故交情先從兄元

音與君同年他年橐筆書循蹟早向塗謳識政聲

爲呂因叔培秀才題石城讀書圖

生不須探竒徑到龍威宮亦不須讀書射獵深山中但得  
結茅臨水數間屋半天高柳二分竹讀書其中願已足況  
是鶯花六代之江山烟雲變滅虛無閒君來花下常閉關  
吟風弄月開心顏經師易得人師難辭家負笈肯便還君受  
業洪北江先生阿蒙超矣異誰昔披圖玉骨何珊珊那不刮目爭  
相看十年作計莫嫌久此外浮名與杯酒畢竟蹉跎付烏  
有似君少年富居諸有暇可讀讀有書體中試問當何如  
我有匡山讀書處年來半爲飢驅誤陳編飽死羽陵蠹金

陵一別今六年三山二水皆雅故此間乃有琅嬛之洞天  
見此心如渴猊赴恍惚書聲在秋樹竟欲攜君畫中去

家玉鏤孝廉招同洪北江前輩孫菊圃丈

元澤胡印

川舍人

岱雲

呂因叔秀才飲賓月閣

平生看月如看竹不問主人先入屋我能作主月作賓對  
影便可成三人即今無月却有客蓬萊仙人文章伯高談  
尚却熊羆千爽氣能高鷲鳥百座中阿蒙方從游千觚百  
榼堪獻酬挈來牆東老酒伴于荆好事遺高樓吾家二妙  
亦超越拇戰各復傾觥籌吾不能醉愛客醉百丈糟邱看  
崔嵬妙語能令石點頭豪情不顧燭堆淚酒酣益覺天光

青振衣閣上風泠泠未可舉杯邀寶月恰似乘槎追客星  
青蓮往矣不可作祇有江山宛如昨不恨今時無此人轉  
恨當時無此閣三更以後猶流連一任狂名明日傳琴高  
赤鯉子明鶴此際不復思神仙仰頭忽把屋椽數頗聞此  
間欲易主閣爲詹某舊宅今將出售清風明月亦有價四十萬錢可買  
取我如趙壹空囊愛而莫致心傍徨轉思此意亦偏窄  
世間萬事皆何常君不見古洞金牛沒遺跡開元鐵佛埋  
沙礫閣隣古開元寺他年庭樹重摩挲竟知誰是主人誰是客

城北過族姪甸英寓齋留話有感

秋色不入城秋聲尚在樹清光定何許城北最幽處門巷



深綠陰君從何年住城中足冠蓋凭獨抱幽悵浩歌出金石  
深心託竹素惟餘敬亭雲時向檐際駐回看涇上村移  
家久流寓相逢故鄉人不識故鄉路故鄉多好山仄徑受  
細步碧草萋已秋白雲澹將暮問君胡不歸慘莫言其故  
我亦多累人茲情早相喻聞君十載前結交愛馳驚平生  
趙元叔投分膠漆固今山西觀察趙介山先生與君爲貧賤交雲泥雖已殊  
倦定相顧丈夫會有時天涯覓知遇胡爲守蓬華咄嗟窮  
鳥賦太行秋色佳懸車試一度門外馬蹄聲搖鞭自茲去

將至琴溪行深竹中

峩峩琴高峰迎人已十里行行忽不見將身入竹裏百萬

明琅玕一碧不知止紛如列蒼輅厚若鋪翠被青天霽微  
罅赤日避陰翳舍輿愛徒步濃綠濕衣履澗徑生清風低  
枝亞流水忽訝往來人黛面互相覩半晌出深箐巍峰依  
然峙迴看篋簞林途迷已難指小憇登山椒澄潭杳無底  
倒影窺層巖猶餘翠鸞尾升天如可騎何假問赤鯉

歸途復憇畫眉嶺

一勺寒漿解渴宜偶因小憇讀殘碑僧誇迷指金繩路我  
惜遲參玉板師地近琴溪產筍最佳入寺頓迴千嶂勢覆山初長萬  
松枝不須更說浮生話已是前村夕照時

東朱鞠泮

涿

家蓮浦兩孝廉

六月驕陽熾似爐清風難得故人俱也知畫餅非名士敢  
悔雕蟲不壯夫問字每愁三豕誤借書翻愧一鳴無時從  
藉汙

借書  
數種

阿咸慧業殊癡叔好共擎經坐碧幙

爲舍弟景湯題風檣陣馬圖

與爲陷陣馬甯作犄角牛與爲破浪船甯作膠浦舟男兒

墮地天位置富貴非可用力求拙遲巧速豈有等要在飢  
餐倦睡安即休何來圖中人乃是吾子由阿奴不肯終碌  
碌快意直欲陵九州乃兄少小便異趣披圖不覺生閒愁  
即今膝下已難再跬步當恐貽親羞如何一味事豪舉不  
顧飽帆奔轡難爲收莫聽路旁兒殺君之馬緣衆咻莫令

河上女止公之渡悲塋篋君不見伯夷豈有覆舟厄顏淵  
早懷憂駕憂世間馳騫竟何有往轍已覆來軫道力田未  
必不逢歲投筆未必能封侯縱令一日可千里幾人得到  
天盡頭丈夫豈不貴得意乘危履險非良謀君情自愛宗  
元幹我意還思馬少游

野田有黃雀行

翩翩野田雀飛集主人堂主人素惠愛鶩鶩分餘糧階除  
恣飲豕毛羽生輝光今茲歲益豐却顧惟空倉主人有薄  
田昨來鬻十雙十雙鬻已盡宿逋猶未償庭闈有遺訓結  
習殊膏粱所以甘清貧朝饑不自傷獨憐負爾雀啾啾徒

翺翔寄聲寒號蟲豐膏初何常

曉行

曉色尚濛濛征途易朔風野烟攬霧白秋樹待霜紅鳥立  
寒塘靜牛鳴下舍空田家猶熟睡高枕樂年豐

黃華嶺

危梁跨三溪密樹罨重嶺夜雨添灘聲夕陽亂林影違灘  
十里聲未窮筇輿已入雲當中溪雲常青嶺雲白分半山  
腰作界畫滿身秋色渾不知一樹丹楓已迎客

宿山家

嶺色蒼茫日易曛破牕才受月三分蟲聲到枕初疑雨客

夢騰山欲化雲黃海十年慙足爾青楓一夕想顏醺新寒  
陡覺衾如水知有霜華滿碧氛

仙源贈諸宗人

平生夢黃海想像天都雲何由結茅屋撻雲尋列眞詎知  
桃花源乃有吾宗人吾宗出重華本是軒轅孫丹成跨龍  
去母乃苗裔存流傳不記代仙李同蟠根溪山自明秀風  
俗還清淳竭來望天都復喜逢諸君諸君並英彥問訊情  
更親飲我山中泉拂我衣上塵指我卅六峰一一皆嶙峋  
終當挈家具千萬買作鄰求仙擬勾漏采藥勝鹿門料量  
好松栢毋令摧爲薪

九日同人太平縣城北了角尖登高

郭外雙峰似髻了拍肩挹袂不知遐碧山影裏人千古黃  
葉聲中縣萬家寒蝶戀叢飛滿寺幽禽迎客喚烹茶歸途  
怕被羣兒看不復盈頭插菊花

惜寸軒示同宗兼之

三才

暨令姪廷植

天培

兩秀才

吾宗居住好到處愜幽尋古道通雲海清風滿竹林雞豚  
秋社近松桂夜牕深耕讀家規在真宜惜寸陰

龍門道中

兩山夾一溪山影中流卧溪光映山色綠淨不可唾山上  
蕭蕭青竹竿縛竹編簾雨三個灘聲粼粼石齒齒持篙刺

石灘前過前聲欸乃後聲和驚起一雙白鷺鷥山色溪光  
齊點破

示胡澤山秀才

君家黃海麓我家丹溪頭君家門前水過我城西流頗聞  
謫仙人碧山曾淹留桃花逐流水下匯澄潭幽棹歌答明  
月往來應扁舟我泝涇水源却作龍門游林木明翠色山  
水含清秋分付雙鯉魚仙源有雙鯉石爲君置書郵相思託尺素  
可以無沉浮我已買簑笠歸應垂釣鉤

曉至溪口待渡

沙色白漫漫河流滯淺灘明星低渡口野火閃林端月襯



霜華厚烟凝水氣寒不經行役苦誰信客衣單

觀浮田作

水紋皴碧學僧衣百畝居然土澤肥浮世大都同此地有  
田誰肯不思歸拋磚落底應千丈植木成阡遍四圍見說  
種秧梅雨候踏波來往候如飛

山行雜咏

一徑莽蕭森天寒谷口陰秋山如我瘦落葉入雲深析竹  
編烟草攜筒斫漆林人家傍流水終日聽鳴琴

夕陽紅處幾人家山半炊烟一道斜好煞滿山茶樹子更  
無人采自開花

一片山外雲化作山中水山下有人家日飲白雲髓  
山腹雲爲洞山頭石作亭深林無落葉幽竹一冬青  
山缺露微陽餘暄散幽草黃蝶却復前飛飛引人道

次韻舍弟入都留別

令原迢遞共經過杖策看雲涕淚沱別後心情寒日短年  
來身事亂雲多才名漫豔東西陸歸計終期大小何早辦  
一牀同聽雨人生禁得幾蹉跎

城西曉發

城西衣帶水盈盈柔櫓咿啞學鴈聲兩岸青山萬紅樹那  
教人免去鄉情

晚泊清弋江

疎林繫纜欲黃昏  
暮雨蕭蕭江上村  
鴻爪又添新雪印  
蜂窠難認舊篙痕  
安心有法憑書卷  
學道無功累夢魂  
贏得峭寒禁永夜  
竹爐灰細火猶溫

翟孝子詩

翟孝子賣菜傭得錢  
買肉啖乃翁  
乃翁已老身疲癯  
兩足不良雙耳聾  
賣菜傭出必告反  
必面希鞬鞠脰能爲容  
輕薄見之不敢指  
不知其名曰孝子  
屋後園蔬誰忍偷  
街頭菜把人爭市  
擇菜莫擇根  
上有慈烏指爪痕  
食菜莫食心  
此中生意殊可尋  
世人孝養誇玉食  
不及賣菜傭承歡能

竭力可憐乃翁食肉肥孝子尋常有菜色秋菰春韭三十載餘錢殯葬猶堪賴孝子有子翁已背恨不終身長種菜

周家圩訪從兄麗青

承櫪即贈

朔風留人江上住走到吾家子雲處君昔雕蟲肆壯心我方竹馬持嬉具同聽風雨對牀聲却贈池塘春草句

予自兒時

君即成器相期贈詩有忘年友之句

浮雲不覺眼底過薄雪旋看鬢邊露故

鄉山水殊不惡年少光陰幾曾誤飲水清江識上流首邱黃峴思叢墓我爲浮名絆此身十載江湖歎行路晏祿難周三黨親韓文不救五窮遇相逢幾度隔星霜此後百年猶旦暮門外寒塘澹不流堦前落葉紛無數一屨儘足子

孫居五畝須爲歸老慮莫因陽羨買田留  
君言有田在燕湖故未能即歸

好共花潭踏歌去

麗青兄令其孫七雲出見時方七歲因索贈句

窄袖蠻鞵髮垂額水剪瞳神玉爲骨到門凡鳥誰敢題對

客家禽自能說乃翁含笑復含飴憐渠解道中秋月  
君告予兒

能作儷偶語因以半夜二字令對即應聲曰中秋戲語乃翁不須慮假手他年有

詒厥

至日胥谿舟中懷蘭坡編修

永陽江上片帆開長至天涯廢舉杯病柳那饒青眼在浮  
波也被白頭催九龍影逐推篷轉一鴈聲先兀櫓來忽憶

紫宸供奉客袖攜脂盒正朝回

師子林

洞庭七十有二峰何年幻化來庭中幽岫窈窕深冥濛渾  
疑地穴巴陵通一徑颯颯生清風祇有進步無回蹤前者  
蟻蛭緣穹窿後者魚貫穿玲瓏有時咫尺言笑同却欲即  
之隔數重有時片石橫當衝側身一綫纔能容暗泉戛玉  
鳴丁冬數折瞥見天光紅不覺磴道盤虛空忽出忽沒難  
追從九天九地鑽無窮千門萬戶情迷夢外觀不滿五畝  
宮欲包岱華衡恒嵩石上何年生五松插根不借寸土鬆  
石如師子松如龍之而牙爪皆豪雄三百年來朝暮逢五

龍半化猶青葱時五松已枯其二師子一吼聲未終何物山僧逞  
狡獪乃有邱壑蟠其胸欲將人巧爭天工嗚呼此間事事  
孰非人巧欺天工

靈巖山謁畢秋帆尚書墓

庭院陰陰覆薜蘿尚書祠墓此巖阿長才只合從簪筆晚  
節猶教學枕戈畢竟

聖明持法恕空聞門館受恩多平泉花木渾無恙幾輩西  
州掣淚過

西施洞

吳王宮殿久埃塵芳草猶遺古洞春君寵君憐都寂寞不

如原作浣紗人

南翔朱氏園林留別

名園占住海東頭  
霧閣雲牕處處幽  
鏡引花光齊入畫  
石隨人步忽登樓  
鶴聲一一橫天表  
明月高高照沃洲  
珍重

宮詹遺碣在

壁間有錢辛楣少詹舊記石刻

曩來良夜幾清游

殘年爲客到天涯  
且對林塘濯髻絲  
作記平泉空手筆

主人

屬題園中楹帖數事

著書笠澤渺心期  
也知海上槎難問  
只向筵前

酒不辭後夜  
吳江清夢醒  
壓舟風露費相思

贈朱靜齋

理

廉使

幾載江城把一麾  
旋看卿月有光輝  
珮環聲舊高青瑣  
貫



索星還近紫微日暖爐烟

三殿語夜寒車騎

五陵歸

君前月入命恭謁

觀特裕陵

憑誰共話蓬瀛事漸覺晨星

單行稀

感極

堯仁頌英冀勤期明允致無刑當官只辦餐湖淥報

國曾經泛泮溟

君前任廈門兵備道嘗以事渡海至臺灣

夜永閒牀深鎖印風

和高閣細聞鈴定知三國空除夕芳草春來滿訟庭

二駿長途控馭迺後先科第快聯鑣

謂令弟蘭坡編修

當年偶厭

承明直異日還同宣政朝冷署比來稀五馬

君由翰林出守三衢新制

編檢不准以名卿從此珥三貂先是胡雲坡司寇暨近日道府用故云

升侍郎何當一駕樓船出誓斬長鯨射怒潮

相看風味總清淳不覺江山入好春東閣暫留成隔歲西湖曾到是前身浮萍踪跡回頭誤逝水年華轉眼陳剩欲閒尋高處望誰家祭竈請比鄰

與朱公子素濤廷黼秀才夜話

倦客壯懷行路盡故人清話徹宵長莫言建德非吾土乍可錢塘作故鄉明邱克莊詩又隨南雁渡錢塘不是他鄉是故鄉歲晚江湖空鴈

鷺春回草木尙冰霜聊將日注烹雙井略當天涯舉一觴

素濤次韻見和復疊一章

松陵寡和情都嬾

頃在嘉定游漪園白鶴寺  
諸處皆欲作詩而未就

石鼎聯吟興

便長息足暫忘塵土夢題襟况在水雲鄉樓臺明滅天宜

雪書劍飄零鬢欲霜有約尋春須早出梅花多處置壺觴

### 三疊前韻

彈丸新句憐君熟襪線微才笑我長頓悟休參黃蘗子閒

愁易入黑甜鄉郊居賦舊諳雌霓

君嘗以所作詩  
賦屬予點定

官紙書

還倩伯霜

謂令兄  
文度

從此圍爐同守歲拈毫相對勝傾觴

### 復倒疊前韻

新粧比戶都簪勝舊好當前每勸觴缸面風來浮墨露

酒名

盤心日照化糖霜稊稊饋歲猶吳俗章甫文身漫越鄉爲

博奇方消永夕蛟蛇連牘不知長

臬署石假山爲南宋時物賦呈靜齋

署爲岳武穆王故第

東京花石綱已覆轉瞬冬青六陵哭并無片瓦留錢塘况  
有遺支出艮嶽海枯石爛五百年茲地依然見一簇初疑  
劫灰和青燐幻作奇礪色厯錄又疑豐城埋干將虹氣干  
霄劒鋒蘊又疑刑天夜靜變歌舞貳負年深困桎梏不然  
何以鐵色巉巖同削爪獐姿鬱怒如刻木當年鍛鍊成東  
窗三字風波定冤獄大地曾無照日盆片紙翻傳格天閣  
狴扉夜半無人知石不能言悲滿腹至今碧血染苔斑不  
借湖光洗淨綠得傍英靈亦厚幸免鐫姦像寶非福憑將

浩劫談滄桑閱人多矣如此屋得毋置石有深意欲使游禽絕深谷豈知漢網漏吞舟吏治由來重惻愍請君便作嘉肺看踞此平反日千牘會當膚寸出雲雨一爲蒼生洗冤酷

歲暮三詠用東坡韻

餽歲

春盤薦百果往往雜寶貨

見武林舊事

中人十家產祇博一笑

佐安用食方丈吾腹非瓠大但稱終歲情糗糒庶非過卅年守鄉里牛衣雜馬磨扁舟厯吳越歲晚滄江卧攜手欣故人清談釘四座剩有數篇詩于喁互酬和

別歲

今朝已海角明歲還天涯別家不計日別歲能幾時周旋  
亦已久去去胡不辭問歲竟安往吾行當相追歲華行復  
盛客鬢空復衰不聞牡犂速漸覺屠蘇遲歲歸客未返長  
抱徂年悲胸中正作惡腰腹安能肥

守歲

道家守庚申此語徒誕誇吾儕惜流陰計出無如何一夕  
供把玩十年成蹉跎饑驅客千里冠珮從欹斜守歲夜向  
盡望鄉山復遮遙憐小兒女聒廳正喧譁鄰雞已再唱衙  
鼓方三撾愁人自不寐焉用鉤睡蛇

常山道中

十日舟行碧水灣  
籃輿今又度孱顏  
曉鶯啼日啼孤驛  
春樹籠雲入亂山  
夢裏得歸終是幻  
路旁如織幾人閒  
年來愁逐東風起  
垂柳垂楊那更攀

百花洲

蘇圃徐亭地自偏  
南州第一好林泉  
風帆烟樹收彭蠡  
錦石文鱗接贛川  
洲上花稀三月暮  
鏡中人老五年前  
客懷依舊風塵倦  
欲向僧牕借榻眠

郭公堤

夾岸綠楊齊  
清陰散馬蹄  
湖光浮郭動  
野色接天低  
艇小

依漁屋振香唼燕泥六橋風景似重覓昔年題

伯牙臺

昨聽江樓笛歸心到落梅不成騎鶴返猶是抱琴來竹葉  
杯心綠荷花鏡面開郢中歌曲意半落一登臺

同人祇陀林納涼歸途遇雨

長夏江村好禪房景更清徑幽雙鷺導寺近一蟬迎綠樹  
晴川迴青山大別橫午風涼吹發移席傍軒楹

酷暑無方避煩塵到此稀漫求河朔飲且息漢陰機坐隱  
銷長晝清歌送落暉莫愁風雨至吾欲著蓑衣

應城訪同年奚大令雨谷

大壯

即贈

奚四川  
蓬溪人



居然雲夢盪吾胸何必青山似蜀中且與披襟同宋玉莫  
嫌執戟老楊雄坐來虛室牕櫺白話到當年餅餤紅怪道  
相逢如乍識大羅分手各西東

天涯倦客久神傷剩采風謠塞錦囊秋入楚天千里碧雨

迴枯稼十分黃關心宦海憐同譜却話仙源憶故鄉

君祖籍吾

鄉太平縣在黃山之麓

何日與君俱脫屣結茅閒試鎖雲方

武陵青牛灣看桂花

叢篁碧護湘雲冷水落門前繫漁艇幾回訝似桃花源不  
覺翻成靈鷲嶺入門一笑香滿衣匝院婆娑弄秋影秋來  
桂魄圓復虧老蟾齧盡銀宮枝餘根尚在人間世千堆金

栗光迷離溪邊歲月風霜老五十二株皆合抱青條倒垂  
一千尺盡辟窠蟲逐巢鳥迷迭艾納兼都梁奇氣薰天透  
天腦蒸成白雲灑黃雪肅肅金商不敢掃誰家得此開林  
塘因樹爲屋枝爲梁數株離立何昂藏恍惚黃陽八桂堂  
其餘偃蹇如修廊靈波殿柱風來香惜哉爾獨生蠻方五  
溪水惡難爲航善卷村邊一攜手安得桂父同徜徉忽憶  
吾廬好修竹亦有雙株映牕綠主人一出經一年花落花  
開自空谷葉舟條馬虛逡巡不必仙源更問津洞庭木落  
不歸去何止桃花笑殺人

桃源圖爲程某題

繪圖人  
盧姓

祖龍已死瀉池壁安期羨門何可得妄意十洲三島間眼  
前福地無人識洞門一閉三千春羸顛劉蹶經幾塵當其  
行時書未焚必有篆簡貽子孫惜乎僅遇黃道真落紅滿  
地成迷津淵明不作太白死人謂先生寓言耳即看四海  
今昇平洞裏乾坤只如此可憐劉阮婚天台人間何戀翻  
歸來詎如爛船洲邊聞欸乃尙有人疑漁父在前身君詎  
程邈儔訪古直造山之幽繪圖合出盧生手曾經海上陵  
滄洲倘遇洞中人摩挲銅狄應生愁安得更邀毛女太華  
之峰頭能向山精借白鹿我亦思爲汗漫游

河湫山

百級松篁徑蒼蒼藹一山客隨清磬到禽共白雲還烟浦  
浮舟小霜林著葉斑無言頻徙倚微欲扣元關

虛白樓

南來張道士數醉武陵春尚有眠雲處曾無賣酒人山中  
惟白石世上幾紅塵何必桃花洞當時可避秦

攬翠亭

滿幅瀟湘景危亭面面收雲開千嶂曉天入百蠻秋古木  
巖前亞清江樹杪流盤輿催落日臨去尙淹留

爲族姪孫萊庭

世斑

題所畫峽蝶

何須爾雅注蟲魚不揚滕王舊日圖拾取湘江芳草色自

臨春水寫春駒

西園紅綠開晴酣細雨斜風燕子龕  
染到六朝金粉筆也應回首望江南

丹陽樓

十里荒郊水一灣樓東遙指枉人山  
舟行夕照空濛裏秋在垂楊慘淡間  
萬里西風吹鬢髮半年塵夢憶鄉關  
明朝黃鵠磯邊過擬向神仙借鶴還

留別族姪孫星垣

世淳縣尉

知君書記久翩翩屈宋衙官亦偶然  
肯以鞭箠圖醉飽也將散誕學神仙  
蟲聲黃葉深秋雨鴈影蒼梧薄暮烟  
莫爲

家書頻悵望粥魚茶板總因緣

君時寓僧寺

愛把雙螯愛聽歌不知身世有銷磨囊空始信黃金貴官

好誰堪墨綬多豎指半生供受用

君嘗以指頭蘸墨作書

折腰五斗

竟如何丹砂肯乞同句漏那用簪纓炙薜蘿

### 德山孤峰頂

鈴蟬書劍託秋風在渚乘舟興轉慵歸計尙難謀二頃吟

懷猶自戀孤峰天邊落日亭亭下眼底浮雲淦淦重剩有

閒情忘不得小山相對露華濃

武陵桂花最多

### 江行遇風泊金口登赤山磯題壁

乍脫蛟淵百丈深不勝結習又登臨憑欄瞥見吞天浪一

痛浮生淚滿襟

且向鳬鷗借淺沙  
定風波處便爲家  
輸他破衲閒牕坐  
數過千帆日未斜

草木蕭蕭舊戰場  
百年遺碣卧斜陽

康熙間提督徐公治都破夏包子賊衆于

此有紀功碑尙存

塗川正有昇平景  
一萬人家晚飯香

### 黃鶴樓

食何必武昌魚  
騎何必揚州鶴  
羣兒空唱白銅鞮  
不解襄陽有何樂  
峭帆昨下荆門州  
落日寒烟生暮愁  
青天萬古一江水  
可憐懷抱仍登樓  
樓外茫茫盡衰草  
烏鵲人聲同浩浩  
芝田不熟鶴骨瘦  
丹竈無功玉顏老  
誰能力挽江流

東揮戈駐日日再中六載凭欄復咳唾  
予壬戌秋登此樓上神仙  
應識我悠悠世上屠酤兒不會相識已相欺何當歸共三  
山侶遙指天涯話別離

樊溪舟中與客約游西山不果

漢陽一片月送我到樊口濫濫寒谿雲輝輝武昌柳不見  
孫郎帳下兒哭兀西山眼中久山頭喚出玻璃魂曾照金  
樽十分酒霸氣江東猶寂寥盛筵何況一迴首黃州禿翁  
苦好事徧覓吳宮覽楚藪當時但使同清游肯惜霜華印  
鞋厚一夕偕君話短長天涯見月倍思鄉江山如此客懷  
倦我亦人間一漫郎



歸途逢趙羽可孝蕪以事出遊即贈

一載鄉心切今成反舊扉不堪飛鳥倦重惜故人違歲月  
眞彈指風塵各滿衣青山讀書處白首好同歸

臘月二十四日泊青弋江

衰草黃雲四際空半江寒吹上孤篷可憐歲晚無多日猶  
在冰霜客路中